



Siengjniemh Mwh Lij Iq

想念孩提时

□ Luj Saub / 鲁骥

baenzneix sengmaj dwk.

Cingj dingq gou daeuj lwnhgangj citgoj mwh lij iq. Gizdieg doekseng gou, sam mienh dwg bya, miz diuz ngeihgaep goengloh he con gvaq gyangmbanj, diuz goengloh neix youq mwh caengz gaijfang couh miz lo. Gyangmbanj miz aen mboqraemx he, daengx mbanj vunz cawzhai mehmwbk haq ok rog bae, couhwdg gwn gij raemxmbaq neix majhung, bienq geq, dai bae. Liuxle, vunz yienznaeuz bae lo, raemxmbaq lij ciuqyiengh hwnz-ngoengz mbwnj okdaeuj sawliklik, gunghawj vunzmbanj bae cawj ngaiz gwn ciengx mingh. Seizcou caeueq seizdoeng, bakmbaq cungj miz benq raemxfwi ndeu hoemq dwk, mok-saengsaeng, haungatngat.

Swnghhoz youq ndaw mbanj, gamjdaengz aensim cwxcaih dangq-maz. Hoeng, riengzdwk ndwenngoengz doxbae, vunz bungz daengz saehcingz lai le cij ndiusingj, gij ndwengoengz de geijlai hawj vunz louzlien ha.

Aen mbanj mbouj hung mbouj iq, gofaex byongh bya byongh ndoi, caeux couh deng vunz raemj bae coemh feiz ndoqndat lo. Doeklaeng bienqbaenz baenz dab baenz dab nazmbaeklae. Dingj bya dingj ndoi lij heuswd, dingzlai dwg ndaem gofaex coengz-riengmax, gij faex coengzriengmax neix couhwdg gij guding swhecanj ndaw mbanj, hix couhwdg gij swghinh laizyenz ndaw mbanj. Vunz ndaw mbanj ciuh dam daih baengh di reihnaz neix ciengx mingh. Aenvih namh reihbya deng raemxfwn dongj bae lai, doenghgo maj mbouj ndei, sou ndaej di haeux ngamq gaeueq vunz gwn. Ranz haeux loq lai di, couh ciengx saek song duz mou geij duz bitgaeq, bitgaeq okgyaeq dawz bae gai au ngaenz, gai ndaej ngaenz youh dawz daeuj cawx haeux cawx lauz. Ciengx song duz mou daengz byaibi,

duz ndeu gai hawj guekgya duz ndeu louz gag gaj gvaq cieng. Duz gag gaj gvaq cieng haenx, lij gai bae mbiengj ndeu, gvaq cieng gwn di ndeu, louz saek geij gaen guh nohlab, daengz seiz nyaengq ndaemndai, goq saek geij vunz daeuj banggoeng cij ndaej gwn. Binaengz ndwenlab cibngux gvaq le, ranzranz hohhoh couh laebdaeb gaj mou lo, mwh gaj mou, cungj dingq ndaej nyi duzmou yaek gatcaw rongx ok gij sing dwglau haenx. Mid baez hauej hoz duzmou, lwed bonghsasa, duzmou cukcak hemqswenj hwk dwk lwgnyez foenfoen goemq naj ndoj deuz, mbouj gamj youq henz ngonz-yawj.

Ndaw mbanj son vunz hag laex fuengfap daegbied lai, gou lij iq couh deng gij laex neix hanhhaed lai lo. Vunz baihrog hauej dou, mwngz baenzlawz dongx baenzlawz heuh vunz naengh, couh lien baenzlawz naengh daengq gwn haeux baenzlawz nip byaek cungj miz gvidingh liux caez. Geiqndaej gou ngamq ndaej haj roek bi seiz, aenvih youq dangnaj vunzrog gwn haeux daiq vaiq, mug rih raengraeng, deng daxboh fok ndaq can ndeu, aenvih gienh saeh neix, daxboh caeueq daxmeh doxceng dwk naj nding rwz ndat. Daxmeh naeuz: “Lwgnyez lij iq caengz roxsoq, caiq gangj, lwgnyez gwn haeux seiz mwngz baenzneix ndaq de, de daej dwk gwn haeux, ngoenzlaeng ndang rox miz bingh bw.” Daxboh fanj buek naeuz: “Lij iq mbouj guenj ndei, majhung le mwngz lij guenj ndaej de? Lumj go makdauz bakdou, de caengz gutgoz seiz, swnh lij iq lij ndaej beng soh de, caj de goz le naengz beng ndaej soh lwi?” Daxmeh mbouj caiq caeueq daxboh euq, cijdan lox gou gaej daej lo. Gou menhmenh majhung, bingzseiz mbouj daih hensouj gvigawj, daxboh hix mbouj caiq gangjmanz lo. Seizdaih

cingq cinbu, bouxlaux gvanhnen hix gaenriengz gaijbienq, mbanj sw-hsiengj gaeueq hix gaenriengz seizdaih bienqvaq haujlai lo.

Seizneix moix baez dauqbae mbanjranz, gij ranzhaz ranzvax hoembangh gaenq deng ranzlaeuz daiqlawh lo, moix ranz song sam caengz, caepcoih ndaej lengjlup ndeingonz. Go maklaehcei laengranz, caeux deng vunz raemjrak bae coemh feiz, gizde fwzrwg nywjhaz sang, gij hojndog ndwenngoengz gaxgonq gaenq mbouj raen ngumhngaueuz, cijnaengz dangguh goj bae lwnh hawj daihlaeng nyi lo.

Seizneix ndaw mbanj fwz lai lo. Nyuenz gij reihbaiz ndaem haeux-yangz megmax haenx, aenvih namh sied bae youqgaenj, gaenq doiq geng vanz ndoeng, reihnaz noix lo, vunz ndaw mbanj hix yied daeuj yied noix lo, saunomj mbauqcoz cungj bae ndawsingz dajgoeng lo, cij lamqlw mbanj bouxlaux binghnyieg hen ranz. Gij vunzlaux vunznyieg neix, yungh aenndang reuqrat hwetgoz de daeuj hen di reihnaz ciengx mingh haenx, saekseiz bingh dai ndaw ranz lauheiq cungj mbouj miz vunz raen bw.

Ciuhvunz diuzloh ut bae goz dauq, gij roensaejgaeq ndaw mbanj byaij gvaq, youq rog gunghcoz raen gij funghgingi gyaunde, hix gaenriengz seizndei geq bae lo. Seizneix ndwn youq baksok ndwenngoengz, dauqngeix gij roen byaij gvaq, sojmiz gij saeh gaenq deng ndwenngoengz vaq baenz fwjhau fwjndaem. Ngeux gyauej dauq yawj, citgoj seiz lij mbauqcoz neix gaenq deng yaemz youq ndawsim roxnauz biu hwnj mbwn bae. Aenmbanj ndaw rungh, baengzyoux hujgeiq, gak boux gvaq gak giz, saekseiz ndaej raennaj, saekseiz caiq hix mbouj doxraen, haemz hix ndaej, you hix bah, geq couh geq lo, bouxlawz naengz geq bienq oi? Dai ndaej dauq lix? Bouxlawz youh dingjeng ndaej mbouj hauej yaemgan ne? Bouxvunz doekseng roengzdaeuj, wng haisim gvaq ndei moix ngoenz, couh dangq youq ndaw aen seiqgyaiq neix cunzcet mbat ndeu, hix suenq dwg doiq sengmingh fucwz lo, dai hix da laep lo.

·gojsaeb iq·

Song Boux Vunz Lienh Sij Cih Mauzbit

两个练书法的人

Gaxgonq, miz song boux vunz lienh sij cih mauzbit. Boux vunz ndeu gig nyinhcaen dwk ciuq cih mauzbit vunzciuhgonq bae lienh sij, moix bit veh cungj yaek lumj saek boux suhfazgyah ndeu, baez sij baenz yienghneix, de couh gig daekeiq.

Lingh boux vunz caeueq de cix mbouj doxdoengz. Mboujdan gaenx lienh sij, caemhcai lij iugouz swhegeij moix bit veh cungj caeueq vunz-ciuhgonq mbouj doxdoengz, nyinh-naeuz swheyz ceiq ndei. Itcig lienh daengz aen iugouz neix, de cij gamjdaengz ndawsim maedsaed.

Miz ngoenz he, boux vunz daih' it byaep dwk cam boux vunz daihngaih: “Beixnuengx a, gou cam mwngz, cih

mauzbit mwngz miz bitveh lawz dwg vunzciuhgonq?”

Boux vunz daihngaih mbouj hozgaek saek di, dauqfanj cijdwg riuhaa dwk cam boux vunz daih' it: “Beixnuengx, gou hix siengj cam mwngz, cih mauzbit mwngz sij miz saek bit lawz dwg mwngz swhegeij?”

Boux vunz daih' it dingq le, aj bak hoeng gangj mbouj ok saek coenz vah daeuj.

Bouxvunz yaek daj giz mbouj miz roen byaij ok diuz roen he okdaeuj, mbouj au saetbae goqsingq swhegeij, cungj dwg bae ciuq bouxwnq, yiengh-neix couh ra mbouj raen gij gyaciz caeueq yi yi gak boux vunz youq aen gwnzbiengz neix.



Lwgnyez Bouxcuengh